

Script of Evening Gojri News Bulletin 23 October 2024 at 1700 Hrs

ایوننگ گو جری نیوز بلیٹن مو رخہ 23 اکتوبر 2024

یوہ آکا شوانی جموں ہے اشفاق عذیم تے ظفر اقبال تیں خبر سُنو۔ پہلاں خاص خاص خبر۔

*1. لیفٹنٹ گورنر منوج سنہا نے کہیو ہے جے دبشت گرداں تے اُن غی مدد کرن آلاں سمیت اس نظام نانہ ختم کرن غی لوڑ ہے۔

*2. لیفٹنٹ گورنر نے کہیو ہے جے جموں کشمیر مانہ فن، ادب، موسیقی، فولک تے ادویات غی شکل مانہ بھرپور ثقافتی تنوع ہے۔ جہیزو لوکاں نانہ آپس مانہ جوڑ غے رکھ رہیو ہے۔

*3. وزیر خزانہ نرملا سیتھا رمن نے اج کہیو ہے جے آیوشمان بھارت سکیم سماجی تحفظ غا بہترین پروگراماں وچوں اک ہے۔

*4. تے مرکز نے اج نوی دہلی مانہ نیشنل کا پو رٹیو فیڈریشن آفا انڈیا لمیٹڈ این سی سی ایف تے نیشنل ایگرکلچر کا پو رٹیو مارکیٹینگ فیڈریشن آف انڈیا لمیٹڈ غے ذریعے بھارت برینڈ چنا دال غا دوجا مرحلہ غی فروخت شروع کی ہے۔

خبراں غی تفصیل نال پہلاں اشفاق عذیم۔

LG Security Meet

لیفٹنٹ گورنر منوج سنہا نے اج راج بھون سرینگر مانہ اک میٹنگ طلب کر غے اُس مانہ صوبہ کشمیر غی حفاظتی صورتحال با رے جائزو لیو۔ جناب سنہا نے جموں کشمیر پولیس غا اعلیٰ عہدیداراں مانہ کہیو ہے وے تمام ترقیاتی پروجیکٹاں ور کم کاج کرن آلاں غی حفاظت واسطے سخت بندوبست کریں۔ ایل جی موصوف نے کہیو ہے کم کران آلی ایجنسیاں غے سنگ لگاتار میٹنگ کر غے اُن سنگ تال میل بناویں۔ انہاں نے کہیو ہے پولیس دیگر ایجنسیاں نال مل غے سانجھو منصوبہ بناغے اس گل نانہ یقینی بناوے جے دبشت گردی غو خاتمو کیو جا سکے تے پو را دبشت گردی نظام نانہ مکمل طور ور ختم کرن غی لوڑ ہے۔

LG Jashn e Sangam

لیفٹنٹ گورنر منوج سنہا نے جا تے روز ٹیگو ر حال سرینگر مانہ جشن سنگم غو افتتاح کیو۔ اپنا خطاب مانہ جناب سنہا نے جموں کشمیر اکیڈمی برائے فن ثقافت تے لسانیات تے بندی بارے اک سمیتی غی طرفوں 3 روزہ تقریب انعقاد کران ور اُن غی کا وشاں غی تعریف کی ہے۔ انہاں نے کہیو ہے جموں کشمیر مانہ فن ثقافت تے زبان نانہ فروغ دین خاطر وقف کردہ اس ادبی میلہ مانہ فن، ادب، موسیقی، فوک تے روایات غی شکل مانہ ثقافتی تنوع موجود ہے۔ جہیزو جشن سنگم جیسی تقریب نانہ وی شامل کرے۔ یاد رہے جے اس تقریب مانہ بکھ بکھ خطاں، زبانان تے ثقافت سنگ تعلق رکھن آلا افراد نے ایک بھارت، سریشٹھ بھارت غا جذبہ سنگ ثقافتی جڑ بنان واسطے اس مشترکہ پلیٹ فارم ور شرکت کی۔ لیفٹنٹ گورنر نے بندی زبان نانہ فروغ مانہ کشمیر غا ادیبان، شاعران تے باقی ادبی شخصیات غا تعاون غی تعریف کی۔ انہاں نے کہیو ہے بندی نہ بولن آلا لوکاں نے وی بندی زبان نانہ فروغ دتو ہے۔ انہاں نے مزید کہیو ہے بندی تے دوجی زبانان مانہ عام عوام تے طلباء مانہ نمایاں کرنو اک بڑی پہل ہے۔ تقریب سنگ خطاب

کرتاں واں جناب سنبہا نے وزیر اعظم نریندر مودی غی رہنمائی مانہہ جموں کشمیر اندر بندی، کشمیری، ڈوگری، اردو، گوجری، پہاڑی تے شینا سمیت ان زبانان مانہہ فروغ دین خاطر پچھلا کُجھ بہراں مانہہ چایا گیا اقدام با رے وی لو کہلی۔ اس موقعہ ور ایل جی موصوف نے کشمیر ڈویزن غا ان طلباء مانہہ وی مبارکباد پیش کی ہے جنہاں نے دسویں جماعت غا امتحان اندر بندی مضمون مانہہ شائدار کا رکر دگی غو مظاہرہ کیو ہے۔ انہاں نے نوجوانان مانہہ کہیو جے وے شیخ العالم للیشور تے سنت کبیر داس غی زندگیاں تیں ادب غا فروغ خاطر مطالعو کریں۔

LG Visit

لیفٹنٹ گورنر نے جا تے روز گا ندر بل گگن گیر غا مقام غودورو کر غے کم کاجی تے حفاظتی معاملات با رے جائزو لیو۔ انہاں نے اک میٹنگ غی صدارت کرتاں واں متعلقہ افسران مانہہ ہدایت جا ری کی جے وے دہشت گردی غا خاتمہ سنگ سماجی تے اقتصادی ترقی مانہہ یقینی بناویں۔ انہاں نے کہیو جے بنیا دی ڈھانچہ غا کلیدی منصوباں ور کم کرن آلا کا رکنان تے افسران غو تحفظ حکومت کی اولین ترجیح ہے۔ جناب سنبہا نے پروجیکٹ غا مقام غے ارد گرد حفاظتی معاملات مانہہ یقینی بنان تے باقاعدہ گشت غی ضرورت ور زور دتو لیفٹنٹ گورنر نے حفاظتی عملہ تے پولیس مانہہ وی ہدایت جاری کی جے وے جموں کشمیر مانہہ دہشت گردی غو صفایو کرن خاطر مشترکہ طور ور کم کریں۔

LG JU

لیفٹنٹ گورنر منوج سنبہا نے جا تے روز جموں یونیورسٹی مانہہ بین القوامی کا نفرنس برائے اینڈو کرانالوجی میٹا با لیزم تے نسلی تسلسل با رے اک تقریب غو افتتاح کیو ہے۔ اپنا خطاب مانہہ جناب سنبہا نے جموں یونیورسٹی غا شعبہ برائے حیوانات تے متبادل ہارمون پیدا کرن با رے عمل تے مطالعہ با رے بھارتی سماجی شعبہ غی کو ششاں کی تعریف کی ہے۔ انہاں نے کہیو جے مہاری تحقیق تے نواں علم غی تخلیق انسانیت غا فائدہ خاطر وقف ہونی چاہیے۔ انہاں نے مزید کہیو جے تمام سائنسدانان تے کھوج کرن آلاں مانہہ مل غے کم کرنو چاہیے تانجے انسانان مانہہ پھیلی دائمی بیماریاں غو خاتمہ کیو جا سکے۔ انہاں نے مزید کہیو جے جموں یونیورسٹی تعلیمی میدان مانہہ بہترین کارکردگی مظاہرہ کر رہی ہے۔ اس موقعہ ور جناب سنبہا نے جموں کشمیر غا جانباز بر گیڈیر راجندر سنگھ غا مجسمہ غی وی نقاب کشائی کی۔

Katra Expressway

ضلع ترقیا تی کمشنر ریاسی وشیش مہاجن نے دہلی کٹرا امر تسر ایکسپریس وے پرو جیکٹ غا حصہ غو وہ کم جہیزو جے ضلع ریاسی غی حدود مانہہ چل رہیو ہے غو معاینہ کیو ہے۔ جناب مہاجن نے جا ری پروجیکٹ مانہہ آن آلی زمین غا مالکان مانہہ ان غی زمین غے بدلے کُجھ معاوضو وی دتو۔ اس سلسلہ مانہہ ضلع نمائندہ دویندر ٹھاکر سنگ گل کرتاں واں ضلع ترقیا تی کمشنر نے اس طرح کہیو۔۔۔ با نٹ۔

Samba Employment

ضلع روزگار تے رہنمائی مرکز سانہہ بے روزگار نوجوانان غی مدد خاطر متی ساری خود روزگار سکیم جس طرح ممکن، تیجسونی، تے سپرنگ انٹرپرینر شپ مانہہ نافذ کر رہیو

ہے۔ تانجے ٹرانسپورٹ سیکٹر غے نال نال دوجا شعباں مانہ وی اپنو کاروبار شروع کر سکیں۔ مہارا ضلع نمائندہ سہتپال شرما سنگ گل کرتاں واں روزگار تے رہنمائی مرکز سانبہ غا اسسٹنٹ ڈائریکٹر نریش کمار نے اس طرح کہیو۔۔۔ بانٹ۔۔۔

یہ خبر تم آکاشوائی جموں تیں سن رہیا ہیں خبراں غا باقی حصہ نال ظفر اقبال۔

Sitaraman Ayushman

وزیر خزانہ نرملا سیتھارمن نے اج کہیو ہے جے آیوشمان بھارت سکیم سماجی تحفظ گا بہترین پروگراماں وچوں اک ہے۔ یاہ گل انہاں نے امریکہ غی پنسل وانیہ یونیورسٹی غا وہارتن بزنس اسکول مانہ اک اجلاس غے دوران بات چیت کرتاں واں کہی۔ محترمہ سیتھا رمن نے اس سکیم بارے گل کرتاں واں کہیو جے اس سکیم غا لیان غو مقصد لوکاں غی صحت نانہ بہتر بنانو ہے۔ انہاں نے اس سکیم بارے مزید جانکاری دیتاں واں دسیو جے اس سکیم غے ذریعے 63 ملین لوکاں غی صحت نانہ یقینی بناتاں واں ہسپتالاں مانہ داخلو ملیو ہے۔ وزیر خزانہ نے مزید دسیو جے اس سکیم توں ہر اک فرد فائدو چاسکے، چاہے اُس غی عمر 70 سال توں اُپر ہی کیوں نہ وے۔ ڈیجیٹل ڈھانچہ بارے گل کرتاں واں وزیر موصوف نے کہیو جے ملک غا شہریاں واسطے اک مضبوط ڈھانچو تیار کر غے اُس مانہ ہر قسم غی صحت یا بی واسطے سازو سامان رکھیو گیو ہے۔ محترمہ سیتھا رمن نے کہیو جے ڈیجیٹل بھارت تجربو اس گل توں لایو جا سکے جے کس طرح لوکاں غا کھاتاں مانہ برائے راست پیسہ پا غے اُن نانہ کسے وی دھوکہ توں بچایو جا سکے۔ انہاں نے افریقی یونین غا جی 20 مانہ شامل ہون بارے گل کرتاں واں کہیو جے اُس غو جی 20 مانہ شامل ہونو صرف بھارتی قیادت غی وجہ توں ہی ممکن ہووے۔ وزیر خزانہ نے مزید کہیو جے بھارت کوشش کر رہیو ہے جے کس طرح وہ 2047 توڑی اک ترقی یافتہ ملک بن سکے۔

Joshi Chana Dal

مرکز نے اج نوی دہلی مانہ نیشنل کا پو رٹیو فیڈریشن آف انڈیا لمیٹڈ یعنی این سی سی ایف تے نیشنل اگیر کلچر کا پو رٹیو مارکیٹینگ فیڈریشن آف انڈیا لمیٹڈ نے بھارت برینڈ چنا دال غا دوجا مرحلہ غی فروخت شروع کی ہے۔ اس سلسلہ مانہ امور صارفین تے عوامی تقسیم کاری غا مرکزی وزیر پرلہا دجوشی نے وین گڈی نانہ بری جھنڈی دس غے روانہ کرن غے دوران کہیو جے ہُن بھارت چنا دال 70 روپیہ فی کلو بے غی جد کہ دوجا چنا 58 روپیہ فی کلو لبیں گا۔ انہاں نے مزید کہیو جے بھارت مونگ دال 107 روپیہ فی کلو تے مسور دال 89 روپیہ فی کلو دستیاب رہ گی۔ وزیر موصوف نے مزید کہیو جے کساناں غے نال ان غی تمام پیداوار خریدن واسطے حکومت نے این سی سی ایف تے این اے ایف ای ڈی غے سنگ اک معاہدو کیو ہے جس مانہ دالاں غی پیداوار واسطے کہٹوں کہٹ امدادی قیمتاں مانہ وی اضافو کیو گیو ہے۔ جناب جوشی نے مزید جانکاری دیتاں واں دسیو جے اس تیں قبل حکومت نے پرائز سبسڈانیشن فنڈ مانہ 10 ہزار کروڑ روپیہ مختص کیا تھا جس نانہ مہنگائی ور قابو پان واسطے استعمال کیو جا رہیو ہے۔

FM Station

اطلاعات و نشریات غی وزارت غا سینٹر اقتصادی صلاح کار آر کے جینا نے اچ دسیو
بے جے ملک پھر غا 234 الگ الگ قصبیاں مانہ 7 سو 30 نجی ایف ایم ریڈیو چینل
کھولیا گیا ہیں۔ ذرائع ابلاغ سنگ اچ رانچی مانہ گل کرتاں واں اُنہوں نے دسیو جے 19
ایف ایم ریڈیو چینل 6 ضلعان مانہ کھولیا گیا ہیں جن مانہ بو کا رو، دیو گھر، دھن باد،
گھرید، ہزاری باغ، میدنی نگر شامل ہیں۔ جناب جینا نے مزید دسیو جے ان ایف ایم،
ریڈیو چینل کھولن غا کم واسطے نیلامی واسطے کم چل رہیو ہے۔ جس واسطے فارم پھرن
غی آخری تا ریخ 18 نومبر رکھی گئی ہے۔

Gadkari World Class

سڑک ٹرانسپورٹ تے شاہراں غا مرکزی وزیر نتن گڈکری نے بھارت غی 22 لکھ کروڑ
روپیاں غی سالانہ ایندھن غی درآمد نانہ کہٹ کرن غی ضرورت ور زور دتو۔ نوی دہلی مانہ
انجینئرنگ اثاثاجات گا انتظام ور 18 ویں عالمی کانگریس سنگ خطاب کرتاں واں وزیر
موصوف نے کہیو جے بھارت نانہ 5 ٹریلین ڈالر غی معیشت بنان ور وزیر اعظم نریندر مو
دی غا خواب نانہ پورو کرن مانہ ٹیکنالوجی کلیدی حثیت رکھے۔ قابل ذکر ہے جے اس
تقریب غو بنیا دی مقصد، تربیت کاراں، کھوج کرن آلاں تے تجربو حاصل کرن آلاں غی ذہانت
نانہ اک جگہ اکٹو کر غے اک پلیٹ فارم ور آنو تھو۔

اس غے نال ہی خبراں غو یوہ بلیٹن ختم ہوو۔